

կարելի է հաղորդել քարտեզի միջոցով: Այն կոչված էր նպաստելու հայ երիտասարդության մեջ հայրենասիրություն ներարկելու գործին, մեծ օգնություն պետք է ցույց տար երկրի աղատագրությունը նախանձախնդիր հայ իշխանավոր անձանց ու գորավարներին՝ իրենց ամենօրյա պայքարում, օտարազգիներին պետք է ցույց տար, թե ինչպիսին է Հայաստան երկիրը:

Վենետիկյան Մխիթարյանների տպարանի նորագույն մի գրացուցակից երևում է, որ «Աշխարհացոյց Հայաստանեայց»-ը հրատարակվել է նրանց մոտ³: Մխիթարյանները ղեկ հնուց կապված էին հնդկահայ գաղութի հետ, երբեմն վարդապետներ էին ուղարկում Հնդկաստան նվիրատվություններ հավաքելու⁴, տարածում էին այնուպես իրենց հրատարակությունները: Շ. Շահամիրյանը, ըստ երևույթին, ծանոթ է եղել Ս. Ղազարում լույս ընծայված քարտեզների հետ, ուստի և իր «Աշխարհացոյց»-ի հրատարակությունը վստահել է Մխիթարյաններին: Ասենք, այն ժամանակ (XVIII դ.) և դրանից բավական հետո վենետիկը միակ վայրն էր, ուր հայերեն քարտեզներ էին տպագրվում: Հարկ է նշել, որ Մխիթարյանները պատվով են կատարել Շ. Շահամիրյանի պատվերը. նրանց փորագրած ու հրատարակած «Աշխարհացոյց Հայաստանեայց»-ը տեխնիկայի այն ժամանակվա պայմաններում, անտարակույս, քարտեզագրական մի լուրջ նվաճում է եղել:

«Աշխարհացոյց Հայաստանեայց»-ը տպագրված է թղթի վրա, գունավոր է, չափան է՝ 82,5 × 82,5 սմ, ունի աշխարհագրական աստիճանացանց, որի զուգահեռականներն ու միջօրեականները անց են կացված շատ նուրբ գծերով: Աշխարհագրական անունները, ի բաց առյալ մի քանի երկրների, ծովերի ու գետերի անունների, գրված են զուգահեռականների ուղղությամբ: Մեծ ծովերի՝ «Պոնտոսի (Սևա)», «Միջերկրեայ», «Կասպից (Վրկանի)» և «Պարսկային ծոցի» վրա նկարված են առագաստանավեր: Լեռները սրված են հեռանկարային գծագրությամբ: Բավականին լայն գծերով ու տարբեր գույներով անց են կացված վարչական սահմանները. Մեծ Հայքը, Վրաստանը, Գիլանն ու Հյուսիսային Կովկասը բաժանված են նաև առանձին գավառների: Ի տարբերություն Մխիթարյանների տպարանում 1751 թ. լույս ընծայված «Աշխարհացոյց Հայաստանեայց ըստ հին և նոր աշխարհագրաց»-ի, բնակավայրերը այս քարտեզում պատկերված են ոչ թե շենքերի հեռանկարային գծագրությամբ, այլ կլոր և վարդաձև տարբեր չափի շրջանակներով: Առանձնապես խոշոր ու որոշակի է գծված Երևանը, որը, ինչպես հայանի է, մադրասցիների երազած անկախ Հայաստանի մայրաքաղաքն էր լինելու: Էջմիածնի վայրում նկարված է մի մեծ կեկեղեցի, իսկ Մշո Ս. Կարապետի տեղում՝ սար է, վրան վանք: Արարատի վրա պատկերված է բիրչիական նոցի տապանը, իսկ Անիի վայրում՝ պարբսպապատ մի քաղաք: Ափերի գծագրությունները, որ հիմնականում համապատասխանում են աշխարհագրության այն ժամանակվա տվյալներին, ունեն, սակայն, բազմաթիվ պարզեցումներ ու բացահայտ սխալներ: Տարօրինակ գծագրություն ունեն «Գեղամայ», «Աղթամարայ» և «Կապուտան» ծովակները, վերջին երկուսը համարյա դիպչում են միմյանց: Բազմաթիվ են բնակավայրերի սխալ տեղադրումները. Վանն, օրինակ, գտնվում է ոչ թե լճի արևելյան, այլ հարավ-արևմտյան ափին, և ոչը հայտնվել է Վանա լճի հյուսիսային ափին և այլն:

³ Գրացուցակ Մխիթարեան տպարանին, Վենետիկ, տպ. Ս. Ղազար, 1960, էջ 108:

⁴ Լ և ո, Հայկական տպագրութիւն, հատոր երկրորդ, Քիֆլիս, 1902, էջ 576: